

प्रावेपा मां बृहतो मांदयन्ति प्रवातेजा इरिणे वर्वतानाः ।
सोमस्येव मौजवतस्यं भृक्षो विभीदको जागृविर्महयमच्छान् ॥१॥

न मां मिमेषु न जिहीळ एषा शिवा सखिभ्य उत महयमासीत् ।
अक्षस्याहमेकपरस्य हेतोरनुव्रतामप जायामरोधम् ॥२॥

द्वेष्टि श्वश्रूपं जाया रुणद्धि न नाथितो विन्दते मर्डितारम् ।
अश्वस्येव जरतो वस्यस्य नाहं विन्दामि कितवस्य भोगम् ॥३॥

अन्ये जायां परि मृशन्त्यस्य यस्यागृध्रद्वेदने वाज्यक्षः ।
पिता माता भ्रातर एनमाहुर्न जानीमो नयता बद्धमेतम् ॥४॥

यदादीध्ये न दविषाण्येभिः परायदभ्योऽव हीये सखिभ्यः ।
न्युप्ताश्च बभ्रवो वाचमक्रतुं एमीदेषां निष्कृतं जारिणीव ॥५॥

सभामेति कितवः पृच्छमानो जेष्यामीति तन्वा३ शूशुजानः ।
अक्षासौ अस्य वि तिरन्ति कामं प्रतिदीव्ने दधत् आ कृतानि ॥६॥

अक्षास इदङ्कुशिनो नितोदिनो निकृत्वानस्तपनास्तापयिष्णवः ।
कुमारदेषणा जयतः पुनर्हणो मध्वा सम्पृक्ताः कितवस्य बर्हणा ॥७॥

त्रिपञ्चाशः क्रीळति व्रात एषां देव इव सविता सत्यधर्मा ।
उग्रस्य चिन्मन्यवे ना नमन्ते राजां चिदेभ्यो नम इत्कृणोति ॥८॥

नीचा वर्तन्त उपरि स्फुरन्त्यहस्तासो हस्तवन्तं सहन्ते ।
दिव्या अङ्गारा इरिणे न्युप्ताः शीताः सन्तो हृदयं निर्दहन्ति ॥९॥

जाया तप्यते कितवस्य हीना माता पुत्रस्य चरतः क्व स्वित् ।
ऋणावा बिभ्यद्धनमिच्छमानोऽन्येषामस्तमुप नक्तमेति ॥१०॥

स्त्रियं दृष्ट्वाय कितवं ततापाऽन्येषां जायां सुकृतं च योनिम् ।
पूर्वाहणे अश्वान्युयुजे हि बभ्रून्त्सो अग्नेरन्ते वृषलः पपाद ॥११॥

यो वः सेनानीर्महतो गणस्य राजा व्रातस्य प्रथमो बभ्रुव ।
तस्मै कृणोमि न धनां रुणद्धि दशाहं प्राचीस्तदृतं वंदामि ॥१२॥

अक्षैर्मा दीव्यः कृषिमिक्कृषस्व विते रमस्व बहु मन्यमानः ।
तत्र गावः कितव तत्र जाया तन्मे वि चष्टे सवितायमर्यः ॥१३॥

मित्रं कृणुध्वं खलु मुळता नो मा नो घोरेण चरताभि धृष्णु ।
नि वो नु मन्युविशतामरातिरन्यो बभ्रूणां प्रसितौ न्वस्तु ॥१४॥